



CONVENIO DE COLABORACIÓN ENTRE O CONCELLO DE VIGO E A FEDERACIÓN DE PEÑAS RECREATIVAS “EL OLIVO”

(Aprobado pola Xunta de Goberno local na sesión do 30 de decembro de 2020)

Na Casa do Concello de Vigo, a catro de xaneiro de dous mi vinte e un.

REUNIDOS

Dunha parte, D. PABLO L. ESTÉVEZ RODRÍGUEZ , na súa calidade de concelleiro-delegado da Área de Concelleiro Delegado da área de Participación Cidadá e Festas do Concello de Vigo, (CIF: P-3605700-H), con enderezo en Praza do Rei s/n de Vigo, na representación legal do mesmo, en virtude do decreto da Alcaldía de data 17 de agosto de 2020.

Doutra, D. CAMILO PAIS MARTÍNEZ, como presidente da Federación de Peñas recreativas “El Olivo”, CIF nº G-36.704.666 e enderezo social na praza dos Galegos Ilustres de Vigo, na representación da mesma, segundo resulta dos seus estatutos e da certificación do seu secretario que figura na documentación do expediente.

Recoñecéndose mutuamente os comparecentes a plena capacidade legal necesaria para o outorgamento do presente convenio

MANIFESTAN

I.- Que o carácter cultural se atopa entre as competencias atribuídas aos municipios no artigo 25.2.m e 127 da Lei 7/1985, de 2 de abril, reguladora das bases do réxime local, e aos municipios galegos no artigo 80.2.n da Lei de Galicia 5/1997, de 22 de xullo, de administración local de Galicia.

II.-O servizo de Festas da Área de Participación Cidadá e Festas ten previsto entre súas actividades de carácter sociocultural a organización da “Cabalgata de Reis 2021”, que se vai celebrar na nosa cidade o día 5 de xaneiro de 2021.

III. Dada a situación de crise sanitaria deriva do COVID 19 e a necesidade de adoptar medidas específicas preventivas determinadas pola Autoridade sanitaria o Concello de Vigo contratou coa empresa PREVENTECNIA, S.L. expediente (8647/335) un informe que inclúe o Plan de Prevención de Riscos da organización da Cabalgata de Reis 2021.

O antedito plan establece a posibilidade de realizar en lugar do tradicional desfile, outra modalidade de Cabalgata estática co cumprimento dun estrito protocolo COVID, que



obrigaría a realizar cambios substanciais no desenvolvemento e organización do evento. A comitiva estará ubicada na Avenida de Castelao de xeito estático e será o público o que circule ao redor dela.

IV.- No antedito protocolo do Plan de autoprotección para a Cabalgata de Reis 2021 de prevé a participación de 150 persoas colaboradoras, cunhas funcións específicas.

V.- Que dende o ano 1996 estanse a asinar convenios entre a Federación de Peñas El Olivo e o Concello de Vigo no desenvolvemento de distintos actos culturais cun resultado moi satisfactorio para ambas as partes.

VI.- Que a FEDERACIÓN DE PEÑAS RECREATIVAS EL OLIVO está rexistrada no rexistro municipal de asociacións do Concello de Vigo co número 143/9 e ten entre os seus fins: O fomento e estimulación da cultura e o arte, así como a organización e desenvolvemento de eventos recreativos.

VI.- Que, con este motivo o Concello e a nomeada asociación teñen interese en colaborar conxuntamente no evento Cabalgata de Reis e co fin de determinar o contido desta colaboración ambas partes, de común acordo, declaran a súa vontade de subscribir o presente convenio conforme o artigo 47 e seguintes da Lei 40/2015, do 1 de outubro, de réxime xurídico do sector público, de acordo cos seguintes:

PACTOS

Primeiro.- O presente Convenio ten por obxecto establecer o marco de colaboración no evento CABALGATA DE REIS 2021 entre o Concello e a Federación de Peñas “El Olivo” mediante a organización cos seus asociados/as de equipos de persoal colaborador que, de forma voluntaria, participarán no desenvolvemento do evento segundo o establecido no Plan de Autoprotección para o epígrafe “persoaal colaborador, control de tránsito”.

Segundo.- OBRIGAS E COMPROMISOS ECONÓMICOS.

A Federación de Peñas “El Olivo” comprométense a:

- A colaborar no desenvolvemento do evento que terá lugar o día 5 de xaneiro na avenida de Castelao (entre a confluencia da rua Estrada con avenida de Castelao e a rotonda do Barco de Alfageme mediante un equipo de 150 colaboradores que realizarán as seguintes funcións:

- Montaxe da comitiva estática das carrozas no espazo denominado “Recinto”.
- Ubicación das animacións na comitiva dentro do espazo denominado “Recinto”.
- Información ao público en canto ao lugar dos accesos e saídas e ao cumprimento do protocolo COVID do público mentras agarda a entrada e durante o percorrido a pé.



- Atención do punto de nenos perdidos.
- Reparto dos caramelos á saída do percorrido atendendo ao protocolo COVID19.
- Os colaboradores irán debidamente identificados para ser recoñecido facilmente, mediante a uniformidade, chalecos de alta visibilidade etc.
- Os colaboradores comunicarán ao coordinador dos equipos calquera emergencia ou situación anómala que poidan observar da súa zona: emergencia médica, incendio, nenos perdidos, comportamentos antisociais...

Queda prohibido o consumo de bebidas alcohólicas por parte dos voluntarios de protección que estean de servizo, e polo tanto cargar na conta das dietas o consumo de calquera elemento etílico, independientemente das consecuencias disciplinarias que poida dar a lugar esta situación

O Concello de Vigo comprométese a

- Efectuar unha achega económica ata un máximo de 6.000 euros con cargo a partida orzamentaria 3380 2260901 (Cabalgaña de Reis) do exercicio orzamentario 2021 para afrontar os gasto derivados das dietas a percibir por cada una dos 150 colaboradores. A os efectos do presente convenio determinase como dieta a percibir por colaborador ascende a 35 euros, sendo a cantidade en concepto de dietas 5.250 € más 750 € en concepto de coordinación dos equipos de colaboradores.

Aos efectos de cobro da cantidade máxima por importe de 6.000 euros deberá achegarse por parte da asociación conta xustificativa asinada polo presidente da asociación que será supervisada pola instrutora do expediente. A Asociación deberá achegar partes de asistencia de cada un dos voluntarios que participen no evento.

Terceiro.- COMISIÓN DE SEGUIMENTO.

Para o seguimento e coordinación da execución deste convenio e resolución das dúbidas que poidan producirse na súa interpretación crearáse unha comisión integrada por dous representantes de cada unha das partes asinantes, un dos cales terá carácter técnico. Así mesmo, formará parte da mesma o coordinador do Plan de Autoprotección.

A Comisión de Seguimento reunirase cando o estime conveniente o seu responsable, por decisión propia ou a petición de calquera dos seus membros. As súas reunións terán lugar na Casa do Concello de Vigo. Na reunión constitutiva da Comisión de Seguimento designarase ao seu responsable e ao seu secretario que levantará acta das súas reunións e asistirá as reunións con voz e sen voto.

Cuarto.- VIXENCIA DO CONVENIO.

O presente convenio de colaboración terá un prazo de vixencia dende a súa sinatura ata o día 30 de xaneiro do ano 2021.



Quinto.- RESOLUCIÓN.

O Convenio poderá resolverse en virtude das seguintes causas:

1. Pola finalización do período estipulado para a súa vixencia
2. Por mutuo acordo das partes
3. Polo incumprimento por algúnhha das partes de calquera das cláusulas establecidas no mesmo.
4. Por denuncia dalgunha delas, que deberá ser comunicada cun preaviso de tres meses.

No suposto de extinción do Convenio, as accións específicas concertadas ao abeiro da mesma seguiranse desenvolvendo na forma, condicións e prazos previstos ata o seu total cumprimento.

Sexto. - XURISDICCIÓN COMPETENTE.

O presente convenio ten natureza administrativa. Será competencia exclusiva dos órganos do orde xurisdiccional contencioso-administrativo a resolución das controversias e litixios a que dera lugar o cumprimento do presente convenio.

E, en proba da súa conformidade, asinan o presente convenio, por triplicado exemplar, en Vigo, no lugar e data que se indican

Vigo, data da sinatura dixital

O Concelleiro-delegado da Área de Concelleiro Delegado da área de Participación Ciudadá e Festas, D. Pablo L. Estévez Rodríguez.

O Presidente da Federación de Peñas recreativas “El Olivo”, D. Camilo Pais Martinez